

張季子九錄

外錄

冊
五

庚子子九月

外



録

外錄

自序

嗟乎。朔風起而秋扇屏。祭筵終而芻狗轍。科舉應制之文字。尙有足存焉者乎。顧策問沿漢以來。詩賦沿唐宋以來。制藝沿明以來。試士之法至清大備。而其不能得士也。弊卽緣於備。惟其求備。故士之應其求者。往往自剪鬻至於皓馘。習聞之而躬承之。矻矻孳孳。口誦而手披。朝研而夕摩。以奔走於有司之試。試不得不悔。且思所以應備之求。而詭其遇於試者。則百其途。而固有遇者。於是所謂備者。僞而求亦僞。迨夫世變劇烈。習用大乖。士應無術。而屏而轍之之運至矣。雖然。此未可以咎士。嘗生十二歲。始學詩。旋學應制之文。與賦。顧性喜詩。而雜讀詩。十六試得附學生。先後師里中二宋先生。時則爲小題文。六韻詩。小篇律賦。旣爲附學生。須應鄉試之求。則學爲大題文。八韻詩。十八鄉試被擯。自慚所爲文陋劣。乃師無錫趙先生。先生故制藝老師。則令盡棄前所學。令讀明人制藝。治王氏四書大全。初以爲寂寞冷淡。棘棘不能入。臨期爲文。則先生盡

塗乙之。而督之益亟。踰半年乙漸少。漸令讀明季清初人制藝。治朱子或問語。類年餘乃稍稍獲褒語。如是者三年。二十一鄉試仍擯。次年爲書記於江寧。時應鍾山惜陰兩書院試。師臨川李先生。全椒薛先生。始知讀漢唐人文賦與詩。治易詩書周禮注疏段注說文學爲駢散文。二十三歲客浦口軍中。乃師武昌張先生。始讀史記兩漢書三國志通鑑文選。治三傳注疏。鄉試仍擯。二十四試補廩膳生。鄉試連擯。二十七試得優貢。而鄉試乃五擯。三十以內憂未預試。是八年中試屢擯。應試之求。屢進而亦漸悟。雖應制詩文亦當自道其心之所明。自見面目不戾於凡爲文之義理。三十三試順天中式舉人。自信益堅。顧試禮部又四擯。年四十矣。私以爲試於有司。供其喜怒而寒燠之者。已二十有六年。可已矣。又二年。父更命爲最終之試。旣成進士而父見背。不及視含殮。茹爲大痛。國事亦大墮落。遂一意斬斷仕進。然猶應戊戌散館試。以完父志。悲夫。綜吾少壯之日月。婉轉消磨於有司之試而應其求。蓋三十有五年。至吾絕仕進。伍齊民發憤殫力以求有用於世而冀一當。曾不及消磨於前此日月之半。而吾

已老矣。曾謂是三十五年日月消磨之業。不足少愛惜乎。屏秋扇者時也。而紈綺琢漆此秋扇之人。不必憎秋扇。轢芻狗者事也。而文繡齋戒此芻狗之人。無所疾於芻狗。凡審所爲制藝詩賦策經解史論箴銘贊頌他雜作。累數百首。刪棄散失殘毀拉雜以來。所可檢而視者。十不過三四。今剟寫者。又其一二耳。作爲外錄。此物此志也。若夫漢唐宋明人以策詩賦列於集。明清人制藝著專集。是則先例云爾。非吾存外錄之微意也。

外錄

目錄

卷一

制藝

春齊高偃帥師納北燕伯于陽

昭公十有二年

子貢曰如有博施於民而能濟衆何如可謂仁乎子曰何事於仁必也聖乎爲人君止於仁爲人臣止於敬爲人子止於孝爲人父止於慈

曾子曰吾日三省吾身爲人謀而不忠乎與朋友交而不信乎傳不習乎子曰道千乘之國敬事而信節用而愛人使民以時

經界旣正分田制祿可坐而定也

純如也皦如也繹如也

堯獨憂之舉舜而敷治焉

是月也命野虞毋伐桑柘鳴鳩拂其羽戴勝降于桑具曲植蓬筐

孟子曰天時不如地利地利不如人和

比及三年可使足民

黃帝堯舜垂衣裳而天下治蓋取諸乾坤

樊遲請學稼 一章

猶益之於夏伊尹之於殷也孔子曰唐虞禪夏后殷周繼

六二鳴謙貞吉

先知稼穡之艱難乃逸

潛有多魚有鱣有鮪鰈鰾鰻鯉

夏五月辛酉公會齊侯盟于艾隱公六年

祊之爲言倥也旰之爲言敬也富也者福也

不勉而中

古之學者爲己

孔子嘗爲委吏矣 一節

子華使於齊冉子爲其母請粟子曰與之釜請益曰與之庾冉子與之粟五秉
子曰赤之適齊也乘肥馬衣輕裘吾聞之也君子周急不繼富原思爲之宰
與之粟九百辭子曰毋以與爾隣里鄉黨乎

實能容之以能保我子孫黎民尙亦有利哉

終南何有有紀有堂

子張問行 一章

取諸人以爲善是與人爲善者也故君子莫大乎與人爲善

曰子不通功易事以羨補不足則農有餘粟女有餘布子如通之則梓匠輪輿
皆得食於子

子曰行夏之時乘殷之輅服周之冕樂則韶舞

取人以身修身以道

秋七月辛巳豹及諸侯之大夫盟于宋

襄公二十有七年

知所以治人 凡爲天下國家有九經

霸者之民驩虞如也王者之民皞皞如也

公會諸侯盟于薄釋宋公

僖公二十有一年

斯禮也達乎諸侯大夫及士庶人

子曰君子矜而不爭 兩章

井九百畝其中爲公田八家皆私百畝同養公田

厥亦惟我周大王王季克自抑畏文王卑服卽康功田功

達巷黨人曰大哉孔子

子曰道不遠人 忠恕違道不遠

慶以地

卷二

賦及試帖

斗爲天喉舌賦

以斟酌元氣運平四時篇韻

海上釣鰲客賦

以先生臨滄海釣巨鰲爲韻

宋太祖解裘帽賜王全斌賦以仍諭諸將以不徧及爲韻

蘭陵王入陣曲賦以於是大捷共歌謠之爲韻

牙璋起軍旅賦以進賢興功以作邦國爲韻

書馬者與尾而五賦以作馬字下曲爲尾爲韻

擬林滋文戰賦以士之角文當如戰敵爲韻

仁壽鏡賦以仁壽之字昭然可觀爲韻

緣鵠飾玉賦以緣鵠飾玉后帝是饗爲韻

江南江北青山多得游字

馬飲春泉踏淺沙得泉字

柳拂旌旂露未乾得春字

拂水柳花千萬點得花字

石鯨鱗甲動秋風得風字

衆仙同日詠霓裳得仙字

盡放冰輪萬丈光

得光字

萬里耕桑罷戍邊

得邊字

南薰門觀稼

得宗字

釣竿欲拂珊瑚樹

得竿字

興來走筆如旋風

得書字

種千莖竹作漁竿

得竿字

川嶽涵餘清

得涵字

應圖求駿馬

得求字

細筋入骨如秋鷹

得如字

雨洗亭臯千畝綠

得臯字

卷三 策問及殿試策

策問

策問

策問 一

策問 二

策問 三

策問 四

策問 五

策問 一

策問 二

策問 三

策問 四

策問 五

策問 一

策問 二

策問 三

外

錄
目錄

四
中華書局聚

策問_四

策問_五

策問_一

策問_二

策問_三

策問_四

策問_五

經解

殿試策

外錄

卷一

制藝

春齊高偃帥師納北燕伯于陽

昭公十有二年

清光緒元年乙亥

再納出奔之人。齊可恥也。夫偃爲僭後。陽卽唐地。及北燕伯之名。後人率辨難不已。而春秋之大義不在此也。故略焉。而專論其事。昔在六年。齊嘗以納燕伯之故。請于晉而伐燕。而行賂諂。晏子嘗斥其不可矣。七年。又求燕之賂。而與平焉。以泱泱表海之邦。舉與國皆知之事。曾不能有毫髮之功。尺寸之義。而徒以有挾而求。營營黷貨。遁逃反側於其間。尙足國乎。乃閱五年而後。有高偃帥師納北燕伯于陽一事。北燕伯者。以其大夫之逐而奔於齊。論北燕伯之罪。視衛衍爲輕。而視蔡朱爲重。其得禍誠自取之。而大夫者其臣也。臣而逐君。是爲大逆。齊知其當討乎。不當受其賂而不伐。旣與之平矣。不當又背信而貪功。齊之此舉。何爲者也。將爲北燕伯計乎。所謂相比之大夫。旣未嘗明正其罪。又不

能必使其心釋然無猜於燕伯歸國之後。燕伯之在初也。旣以溺於嬖寵失國
人之心。而其國人之與其大夫相安無事。若不知有燕伯。則九年於茲矣。今納
燕伯。能保其大夫國人之不拒乎。就使畏齊之彊而姑納焉。燕伯能一日晏然
處於其大夫國人者之上乎。將以齊爲東諸侯之望。中原會盟。素執牛耳。欲納
燕伯以收義聲於天下。如許叔入許。蔡侯歸蔡。陳侯歸陳。及遷邢存衛之類乎。
則又未見始則陽託可居之名。而終且陰行其自利之計。能取大信於天下者
也。將仍用以求瑤瓊玉櫝。壘耳之賂乎。痿人難掖。貪夫易與。又未見孳孳嗜利
之人。遂能見憚於天下者也。或更爲之說曰。陽邑近燕。人民衆多。而地當衝要。
靜可以觀釁。而乘隙動可以得寸而得尺。納燕伯于陽。不翅以寓衛之黎侯。爲
入戚之蒯瞶。如是則方其舉事之始。心已二三。而氣已不壯。將姑爲一行以謝
客乎。爲德不卒。益無以對。窮來歸我之人。而輕舉易動。不惜師旅之勞。越國庇
遠。以僥倖萬一之功。益見其妄而已矣。故曰齊偃帥師納北燕伯于陽。可恥也。
後儒不知陽地所在。以爲伯于陽卽公子陽生。或以伯爲惠公行至燕而卒。或